



SAKSFRAMLEGG

Sakshandsamar: Marianne Soleng	Arkivkode: FE-033
Arkivsaksnr: 18/1628	Løpenr: 18/8425
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	08.11.2018	040/2018

Faste saker

08.11.2018 Kommunestyret:

Handsaming i møtet:

Godkjenning av innkalling og sakliste

Det var ingen merknader til innkallinga eller saklista.

Eventuelle merknader til protokoll frå førre møte

Det var ingen merknader til protokolle frå førre møte.

Kystsogeveke

Presentasjon av "Kystsogeveke" med Kjell Magnus Økland.

Orienteringssaker:

Vindmøller

Ordføraren orienterte om NVE sitt arbeid med ein nasjonal ramme for vindkraft på land. I brev til kommunen datert 08.06.2018 og 05.09.2018 skriv NVE at det i denne omgang er fagleg informasjon av overordna karakter dei ønskjer. Fristen for å gje slik tilbakemeldingar var 20.10.2018.

Ordføraren informerte om at fleire av nabokommunane til Samnanger har gjeve tilbakemelding av ein meir politisk karakter. NVE seier i samtale med ordførar, at desse innspela ikkje vert tekne med i denne omgang. På eit seinare tidspunkt i prosessen, vil vera høve til å komma med politiske innspel og meir generelle synspunkt på den nasjonale ramma. Truleg etter april 2019.

Kvalitetsdialog - Barnefattigdom

Ordføraren fortalte om korleis leiinga og formannskapet arbeide med dette temaet i kvalitetsdialogen i 2018. Rådmannen fortalte om korleis dei ulike einingane arbeider førebyggjande og aktivt for å få ned talet på fattige born i kommunen. Kulturkontoret sine mange gratistilbod for born er eit eksempel på dette. Nav-kontoret skal også starta opp eit prosjekt der det vert fokuset på førebygging.

Botnahytta

Ordføreren fortalte at han hadde hatt eit møte med fylkeskonservatoren om Botnahytta. Grunneigaren var også invitert, men møtte ikkje på dette møtet. Utfallet av møtet var at fylkeskonservatoren ville mellombels freda hytta. Prosessen med å finna ei god løysing vil halda fram.

Utvalet sitt kvarter:

Kostnadar - Nytt bufellesskap for funksjonshemma på Stottebakken

Karl Bård Kollbotn (Frp) viste til kommunestyrevedtak (KS 039/18) der administrasjonen og byggekomiteen fekk i oppdrag å sjå på innsparingar undervegs i prosjektet. Han ser det som positivt at administrasjonen har fått laga ein rapport med forslag til innsparingstiltak i prosjektet.

Han stilte følgjande spørsmål:

- 1) Kvifor vart ikkje denne studien gjennomført før kommunestyret fatta vedtak om bygging?
- 2) Vart det ikkje stilt spørsmål til kostnadane i prosjektet av administrasjonen?
- 3) Er det for seint å få gjennomført nokon av innsparingstiltaka?
- 4) Vil administrasjonen gjera liknande studier i framtidige prosjekt?
- 5) Har administrasjonen nok kompetanse til å vurdere kostnadane i slike prosjekt?

Rådmannen svara på spørsmåla:

- 1) Studien vart ikkje gjennomført før vedtaket i KS, fordi planen var at kommunen skulle bruka ein intern prosjektledar som var tilsett i Samnanger kommune. Det var sett av 30% stilling til dette.
- 2) Administrasjonen stilte spørsmål om kostnadane, men ein ser i ettertid at det brude vore sett av meir tid på dette.
- 3) Det er ikkje for seint å få gjennomført innsparingstiltak. Kommunen har ein dialog med Abo om dette. Det er mogleg å spare på standarden uten at det går utover kvaliteten som på f.eks rekkverk, glasstak og naturstein. Størrelsen på bygget vert som planlagt. 01.01.2020 vert det innført krav om dagsenter får funksjonshemma. Med dette bygget vil me då alt ha rom til denne typen aktivitet.
- 4 og 5) Administrasjonen vil gjera liknande studier i framtidige prosjekt. Det vil verta kjøpt inn kompetanse der ein ser dette trengs. Ein lite organisasjon som Samnanger kommune kan ikkje har kompetanse på alt.

Trafikkurs for eldre

Leiar i eldrerådet Solveig Vassenden (Bl) har vore på fylkeskommunen sin to dagars eldrerådskonferanse i Bergen. Der fekk ho inspirasjon til å arrangera trafikkalt påbyggingskurs for eldre over 65 år. Dette håpar ho på at eldrerådet i Samnanger skal få til å gjennomføra.

Julegåver - barnefattigdom

Monica Tjønnå (Sp) oppfordra kommunestyremedlemmane til å ta med kvar si julegåve på julemøte i kommunestyret 13.desember. NAV får i oppdrag å kan dela ut gåvene til barnefamiliar med låg inntekt.

Det er eit ønskje om at kommunestyret får opplysningar om kva aldersgruppe desse borna er i. Heile kommunestyret slutta seg til denne oppfordringa.

Bygningsmassen i Samnanger

Odd Arne Haga (Frp) viser til kommunestyret sitt vedtak om å optimalisera bygningsmassen i kommunen. Han spør om kva administrasjonen har gjort med dette til no.

Rådmannen fortel at dette vert teke med i eigedomsplanen som skal utarbeidast, og ligg som ein del budsjettet. Saka skal handsamast politisk i juni 2019.

Hendelse på legekantoret

Odd Arne Haga (Frp) undrar seg over ei hending der ein skada, eldre pasient vart avvist på legekantoret då legen er i ferd med å gå for dagen.

Rådmannen undersøkjia saka.

Interpellasjonar:

Matsvinn

Øyvind Strømme (MDG) las opp interpellasjonen.
Rådmannen las opp svaret frå administrasjonen.
Svaret ligg som vedlegg til denne møteprotokollen.

Klimatiltak

Øyvind Røen (Sp) las opp interpellasjonen med følgjande framlegg til vedtak:
Rådmannen legg i første kvartal 2019 fram ei sak for kommunestyret om korleis Samnanger kommune kan arbeida vidare med å auka innsatsen mot menneskeskapte klimaendringar. I denne saka skal det vurderast om det skal lagast ein ny klimaplan eller om det er andre tiltak som er meir føremålstenlege.

Rådmannen las opp svaret frå administrasjonen.
Svaret ligg som vedlegg til denne møteprotokollen.

Framlegget frå Øyvind Røen (Sp) vart samrøystes vedteke.

Ordførarløn

Arild Røen (H) las opp interpellasjonen med følgjande framlegg til vedtak:
Ordførar i Samnanger si løn skal aukast til 85% av stortingsrepresentantane si løn. Forslaget vil sjølvstøtt påverke godtgjersla til alle andre folkevalde. Saka vert utgreidd slik at dette vert innarbeidd i budsjett for 2019.

Rådmannen las opp svaret frå administrasjonen.
Svaret ligg som vedlegg til denne møteprotokollen.

Framlegget frå Arild Røen (H) vart vedteke med 17 mot 4 røyster.

Dei som røysta imot forslaget var: Øyvind Strømme (MDG), Knut Harald Frøland (BI), Øyvind Røen (Sp) og Monica Tjønnhaugen (Sp).

KS- 040/2018 Vedtak:

- Møteinnkallinga og saklista vert godkjent.
- Delegererte vedtak/referatsaker vert tekne til orientering.

Rådmannen sitt framlegg til vedtak:

- Møteinnkallinga og saklista vert godkjent.
- Delegererte vedtak/referatsaker vert tekne til orientering.

Oversikt over faste saker:

Godkjenning av innkalling og sakliste.
Eventuelle merknader til protokoll frå førre møte.
Delegererte vedtak/referatsaker.

Utvalet sitt kvarter.